



Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 30/09/2024

Här President,

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Kooperatioun weiderzeleeden.**

De Global Fund to Fight AIDS, TB & Malaria huet säi Joresresultatsbericht fir d'Joer 2023 verëffentlecht. Dëse Rapport weist impressionant Fortschrëtter am Kampf géint dës dräi Krankheeten. Besonnesch opfälleg ass, datt duerch d'Aarbecht vum Global Fund zënter 2002 ronn 65 Milliounen Liewe gerett goufen, wat zu enger bedeitender Reduktioun vun den Doudesfäll duerch AIDS, Tuberkulos a Malaria gefouert huet.

An deem Zesummenhang wéilt ech dem Minister dës Froe stellen:

1. Wéi héich war de Bäitrag vu Lëtzebuerg fir de Global Fund am Joer 2023 a wéi gesäit de geplangte Bäitrag fir 2024 aus?
2. Gëtt et Pläng, fir de lëtzebuergesche Bäitrag ze erhéijen, am Hibleck op déi impressionant Resultater vum Global Fund?
3. Wéi eng Méiglechkeete gesäit de Minister, fir d'Expertise vum Global Fund am Beräich vun der Gesondheitsinfrastruktur an eiser Entwécklungszesummenaarbecht ze notzen, besonnesch a Bezuch op d'Digitaliséierung vum Gesondheetssystem?
4. Wéi gedenkt de Minister d'Erferunge vum Global Fund am Beräich vun de Mënscherechter an der Gläichberechtigung an eis bilaterale Entwécklungszesummenaarbecht anzubannen?
5. Gesäit de Minister Méiglechkeeten, fir déi nei Technologien, déi duerch de Global Fund entwéckelt goufen (wéi z.B. déi nei Moustiquaire géint Malaria), och an eise bilaterale Projeten anzesetzen?

Mat déiwem Respekt,



[www.piraten.lu](http://www.piraten.lu)

---



CLEMENT Sven  
Deputéierten

